



D'Ryschnoogge

1. Als Jury hätte mir premiert
„Miss Switzerland“ ganz ungeniert
's meint jedi Katz, sie heb die netschti
Figur — und Frässe no die gletschti.
Der Dirgg verreggt — doch fir die Katz,
Hänn mir Miss Switzerland Ersatz.
2. Fir d'Affesammlig schwärmt ganz Basel
E grosse Grampl isch's — ohni Gfasel.
Fir's Zolli-Affe-Paradies
Wird gsammelt, bättlet — z'dausigwys.
Derby git's gratis jungi Laffe
Yberall — und Schnuderaffe.
3. An der Gryffegass het d'Sittligkeit
Am „Leu“ vorusse — e bsunderi Fraid.
E Pygeblatt — das isch kai Witz —
Muess er ha — das het kai Spitz.
Der gsund Verstand, dä stosst sich dra
Drum het är 's Blatt hitt nimme a.
4. D'Turner stehn als d'Tschumbel — jo —
Us Sofia vor em Roothuus do.
Will der Heer Regierigsroot
Der Empfang verglungge loht.
Doch jede Fuessballclub — persch —
Empfangt me gly in corpore.
5. D'Polizei sott Astand lehre
Bitterneetig hänn's die Heere.
Bym Ständeli — jo hol's der Gugger
Vo Militär — do kemme d'Schugger.
Die lehn zimptig uff em Ranze
Vom Publikum der Gnittel danze.
6. Im Rege kunnt — o jeh, o jeh —
Der Zeppelin a — jo persch.
Der Kapitän meint — „y glaub, dass i
Au no e Heimfahrt ha — e nassi —“
„s isch schad fir 's Gäld“ — sait — dängge sie
Pflätternass — d'Frau Sarasie.
7. Dä Griegsfilim — dä isch allerhand
Het Erfolg im Schwytzerland.
Drum protestiert vo drausse roi
E Schwob — „was mit de Basler soi“.
An's deitsche Bluet — an unseri Ahne,
Duet dä frlchi Kaib uns mahne.
8. Der Tauber — dä berlehmtli Sänger.
Isch wie me weiss — e Schlangefänger.
Doch d'Maidli dien das nit bedängge,
's wänn alli ihm ihr Härzli schängge.
Sy Autogramm — jo das wär nätt,
Wenn me's im Album dinne hätt.